



高渚文集卷之三十二

五言絕句二

寄荅八首

寄陳湖州二首

寄王太僕遂伯

秋日荅何仲默

過金陵寄徐駕部子正四首

送別四首

送秦長史還江南二首

顧憲副還閩贈以桐栢石屏兼侑以詩

溪口雨別江翁

時序一十九首

中秋月四首

上巳郊興四首

夏日南莊作四首

迎春二首

壬寅立春

元夕二首

元夕試燈二首

詠物六首

詠走馬燈

辛兒雙鹿二首

白頭公

牡丹

安石榴

圖畫二十二首

題山水畫四景

抱琴訪友圖

虎溪三笑圖二首

三酸圖二首

衛輝王別駕菜圖

折枝芍藥

聽琴圖

王氏靈芝圖

王羲之換我鳥圖

題畫四首

畫竹

畫鷹

畫鵲

沈周楊梅

悲悼八首

哭陳國仁二首

悼亡四首

寒食新阡二首

目錄畢

嵩渚文集卷之三十二

大梁李濂川父

五言絕句二

寄荅八首

寄陳湖州二首

汝在茗溪口余遊鮎嶺頭越江秋水闊惆悵不同舟

二

爲問湖州客雙鳥幾日還杪秋鄉思苦莫上道場山

寄王太僕邃伯

使星明鴈塞卿月照龍沙無限東歸意愁聞日暮笳

嵩渚文集

卷之三十二

二

秋日荅何仲默

美人枉瑤札空齋坐相憶隔街騎馬來與君對秋色

過金陵寄徐駕部子正四首

舟從金陵過不入金陵城苦憶徐司馬長江似我情

二

權曲秦淮水春風孫楚樓亦有青蓮興慙無紫綺裘

三

烏啼板橋浦霜落歷陽樹夜聞青山鐘揚帆過江去

四

花開雞鳴寺月滿鳳凰臺賸有登臨意無緣對玉盃

送別四首

送秦長史還江南二首

臨岐無別語垂老慎興居江上逢秋鴈殷勤一紙書

二

又交重分手樹下一盃酒夢裏江南遊訪君慧山口

顧憲副還閩贈以桐栢石屏兼侑以詩

別離古所惜何以贈君子剪取桐栢雲隨君渡江水

溪口雨別江翁

山翁騎犢去夕雨正滂沱溪灘俱罷釣何處借漁蓑

時序二十九首

出高深文集 卷五 三
中秋月四首

四時三五滿何獨賞秋中此夕憑闌又清光
夏不同

二

冰輪容幾許內有廣寒宮不見姮娥面青天夜夜風

三

秋夕憶張騫乘槎泛月邊摩挲桂花樹白露滿遙天

四

桂影蟾蜍窟秋空不可攀素娥今夜冷切莫憶人間

上巳郊興四首

近山無俗駕到寺即閒身花笑如迎客鶯啼似送春

二

閒登翠微上石林發清吹愛此風景幽真有卜居志

三

在家逢上巳看花不知迴飛觴白雲寺歇馬梁王臺

四

落日黃雲裏春風碧水邊忽聞鳴鴈過疑是早秋天

夏日南莊作四首

城中苦人事携書過郊墅地僻竹風涼避喧兼避暑

二

空村入長夏高樹鳴新蜩我來觀刈麥落日懶迴輶

三

柴扉扃白日午夢便一枕頗嗔簷鵲喧驚我草堂寢

四

野翁載酒至團坐碧草夕月高主賓醉同臥松下石

迎春二首

簫鼓競春光晴雲抱草堂紫騮東郭陌宜爾少年郎

二

滿城看迎春春來不知處五更風細鳴春在庭前樹

壬寅立春

半百今逾四蕭騷兩鬢絲再逢春十六便是古稀時

元夕二首

月彩因燈豔年光入夜新九衢車馬亂都是過橋人

二

燈火梁園盛宣和舊俗留試聽春樂府千闕太平謳

元夕試燈二首

往日鰲山客今成鶴髮翁閉門春院靜獨酌一燈紅

二

試燈先命酌舉酒即成詩詩酒燈三友追歡玉漏遲

詠物六首

詠走馬燈

幻影戰千迴燈前笑口開古今皆幻跡說與幻人來

莘兒雙鹿二首

毛同混牝牡性異分馴劣羈栖華署中無憶碧山月
二

阿莘纔五齡健戲庭樹下自從得雙鹿不肯騎竹馬

白頭公

塵世白頭稀見鳥激長喟以茲賢達人終日花間醉

牡丹

名花開何遲洛城春已暮誰爲寫芳蕙賴有元輿賦

安石榴

婀娜安石榴爛斑石虎苑一解文園渴言念星槎遠

圖畫二十二首

題山水畫四景

二月草萋萋千山布穀啼騎驢過橋去春色勝橋西

二

湖山不知暑散髮坐江樓問君河朔飲爭似弄漁舟

三

鴈叫楓江黑江秋空白蘋蕭蕭風雨暮愁殺未歸人

四

寒雲錯昏曉積雪滿川塗得鯉忻收網前村問酒壚

抱琴訪友圖

琴在美人遠，雪深山逕晚。何須見賞音，與盡君當返。

虎溪三笑圖二首

相送豈知遙，匡廬秋色饒。緩筇論道合，不覺過溪橋。

二

禁足不過橋，一切世緣斷。破戒本無心，大笑登彼岸。

三酸圖二首

染指已蜚腹，一勺將奈何。曾聞爲相者，三斗未言多。

二

可笑嘗醯客，高情一盎中。須知三氏理，真味本來同。

衛輝王別駕菜園

秋陰郡齋靜，臥聽朝歌雨。一夕不曾眠，菜甲忽盈圃。

折枝芍藥

長憶謝玄暉，省中吟思苦。誰剪廣陵春，一枝斜帶雨。

聽琴圖

審音入杳冥，會意無今古。始知伯牙弦，獨爲鍾期鼓。

王氏靈芝圖

君家紫靈芝，上映三槐色。物瑞豈偶然，主人惟種德。

王羲之換鵝圖

愛鵝如愛鶴，重書如重玉。寫經博白鵝，各得其所欲。

題畫四首

一曲廣陵散神遊八極表掩琴不復彈眼底知音少

二

枯棊闢白黑僊手有成筭勿容樵者觀須臾斧柯爛

三

臨池厭家雞未足成書聖珍重柳公言心正則筆正

四

意足不求似天機自流動君看畫裏畫如說夢中夢

畫竹

誰剪青鸞尾聯翩欲奮飛披圖發長嘯彷彿渭川歸

畫雁

風毛天外落雲伴海東尋慙憇空山樹能忘萬里心

畫鵲

靈鳥立高柯春風噪若何君家元積善自爾慶筵多

沈周楊梅

江南花果樹珍異屬楊梅沈老揮毫頃能移數顆來

悲悼八首

哭陳國仁二首

書自丹陽至春風送訃音白頭凝淚眼哀思爲誰深

二

柳林讀書處風雨對牀眠生死交情在思君一泫然
悼亡四首

踈燈照無寐漏促春城鼓孤榻已潸然更聽西齋雨

二

鏡在餘蛛網奩空棄翠鈿傷心秋雨夜夢繞白楊阡

三

我有鰥魚淚空沾舊製衣援琴聊自遣一曲雉朝飛

四

對月同誰語停盃祇自憐櫻桃樹猶在灑淚後堂前

寒食新阡二首

白楊風蕭蕭徘徊日將酉墓前人哭啼墓中人知否

二

雨風寒食節絮酒向新阡老眼鰥魚淚年年灑墓田

高渚文集卷之三十二

高渚文集卷之三十三

七言絕句一

感述三十六首

湖上看花二絕句 登臺有感二首

與客論文客退叙次其語漫成十六首

擬古宮詞三首 觀刈麥四首

新居成題壁二首 讀天寶遺事二首

過鄉試榜棚口號 對鏡有感

道旁古冢 秋日登吹臺感舊二首

詠史一十三首

公儀子

樂毅

張良

楊王孫

楊震

虞詡

竇憲

李邵

班固

周榮

于禁龐德

呂蒙

邢顒劉楨

目錄畢

嵩渚文集卷之三十三

大梁李濂川父

七言絕句一

感述三十六首

湖上看花二絕句

東湖桃花開不徹高樓春雨細絲絲鈎簾轉愛芳菲
色莫遣狂風太劇吹

二

江南海棠開不遲二月強半紅低枝鏡中越女休相
妬風雨明朝未可知

登臺有感二首

臺邊草色苑邊雲載酒來遊白日曛富貴可憐成一
夢踈花冷雨信陵墳

二

五柳先生盡日間登臺一醉當登山仰天長嘯無人
識苦憶夷門老抱關

與客論文客退叙次其語漫成十六首

文章元氣與天通養氣應兼作聖功淘洗羣言查滓
盡壯夫投筆耻雕蟲

二

屈騷莊子馬遷文萬古文章薄九雲空撫遺編興健
羨天葩誰復吐奇芬

三

詩從刪後有離騷創始誰知大匠勞假使聖門親見
此未應遐棄楚江濤

四

九辯招魂宋玉辭楚聲一派續湘纍自從景賈芳塵
斷賦體流傳合憲誰景謂景差
賈謂賈誼

五

莫道莊生侮聖賢古今奇筆許誰先五千四百瑤函

滿盡出先生內外篇

五千四百
謂佛書也

六

狗監憐才薦子虛楊莊解誦子雲書今日蛾眉誰不
妬謾矜文字似相如

七

京都諸賦固衡思炳蔚鏗錡世所奇賦體漸俳文不
泯鋪張當代賴宏辭

班固撰兩都賦張衡撰
二京賦左思撰三都賦

八

司空勵志四言成逝者如斯道體明漢魏以來誰識
此隰朋仰慕見高情

九

靡靡齊梁詎可言王揚盧駱竝飛翻雖然漢魏津涯
遠也與唐風作正源

十

高岑王孟及崔儲雅調醇音絕妙辭直以大家推杜

甫文章得失寸心知

謂高適岑參王維孟浩然崔顥
儲光羲也

詩品彙獨推
杜甫為大家

十一

僊人只合住蓬萊何事乘雲戲九垓讀盡草堂詩一
部始知李白是天才

十二

唐人無選宋無詩後進輕狂肆貶詞真趣盎然流肺腑底須摹擬失神奇

十三

劉宋方王試品題就中雄長屬潛溪天開一代文章運逸足先凌萬仞梯

劉基宋濂方孝孺王禕國朝文人也

十四

洪武詩人稱數子高楊袁凱及張徐後來英俊崢嶸甚興趣温平似弗如

高啓楊基袁凱張羽徐賁國朝詩人也

十五

禪法元從徹悟來詩壇真訣更何猜憑君高具金剛眼竝駕曹劉屬爾才

十六

德行文章竝可尊葛洪著論有淵源藝林摘藻非容易拭目丹霄鳳鸞騫

抱朴子曰文章之與德行猶十尺之與一丈謂之餘事未之前聞也近時草木子著論亦如此

擬古宮詞三首

偃師奇技穆王歡絲女如雲滿殿看歌舞眼前都是幻不如閒倚玉闌干

二

高齋文集
卷之三
四
瑣窓月落漏聲殘鳳蠟瑤臺夜不寒
夢裏驚聞僊樂響隨班趨侍百花欄

三

金水河邊雲日微洗妝樓下試羅衣
雙雙紫燕何多事似惜春歸掠地飛

觀刈麥四首

四野黃雲雉雉肥家家刈麥滿車歸
中年始識田居樂倚杖平原送落暉

二

大麥登場小麥黃花飛鶯老農夫忙
脫巾散髮往觀

刈帝力何有勞歌長

三

五月鳴蜩穡事催薰風吹面隴頭來
晚邀野老乘新月麥飯蒲觴笑口開

四

學稼求僊總爲生避喧水滸結鷗盟
何時鼎熟丹成去試聽雲中打麥聲

新居成題壁二首

蓬海求僊事渺茫花飛花發送年光
田家酒熟山妻勸且放狂歌入醉鄉

二
風篁雨竹皆堪聽階鶴池魚亦可憐新築菟裘庭館
靜杜門高枕送殘年

讀天寶遺事二首

四海承平縱意歡霓裳舞罷漏初殘屬車不是耽聲
色安識人間蜀道難

二
采蘋歌似玉環歌上擬皇英浪自多內嬖治容終誤
國謾將濃淡品雙娥

過鄉試榜棚口號

四十年前此掛名榜頭開處里人驚于今識破邯鄲
夢靜坐茅齋學養生

對鏡有感

人言閒處是青山我在青山未得閒辛苦著書何日
了鏡中贏得鬢毛斑

道旁古冢

饑鴟嘯雨鬼啼煙寒食無人掛紙錢駐馬荒原一惆
悵年年春到草芊芊

秋日登吹臺感舊二首

蚤歲離家此讀書碧桃叢竹羽人居于今廢苑斜陽

外落葉滿庭誰掃除

二

當年几硯共蘇陳左氏才華更絕倫今日登臺思往

事野煙秋草重傷神

謂蘇清陳宋左國幾三字

詠史一十三首

公儀子

魯相風聲冠古今箕山節操伯夷心
拔葵去婦捐多
少羸得清名抵萬金

樂毅

七十餘城已屬燕汶篁移植薊丘邊
君臣終始良非

易忍讀貽燕疏一篇

張良

謝病堅辭萬戶封赤松何許託遐蹤
穀城黃石今猶
在圯上僊翁不可逢

楊王孫

銀海金鳥計亦踈寢園宮殿總丘墟
王孫矯論雖非
正漢史終收裸葬書

楊震

關西風操重儒林暮夜如何走餽金
辭受古誰嚴一
介有莘元聖是同心

虞詡

故人皆弔朝歌長正是盤根別器秋但願韓侯寬轡
策坐令河內戰塵收

竇憲

稽落山前大戰時燕然紀績有銘辭太平出塞三千
里薄伐空聞六月詩

李邵

戚里歌鐘宴碧桃方州馳賀傳車勞漢中太守無高
識慙謝遲留李戶曹

班固

竇家門外綵雲消絕代才名竟寂寥留取漢書光漢
室可憐殘帙續班昭

周榮

十年公府事袁安奏草時時出袖看刺客滿城渾不
懼腐身猶勝玉為棺

于禁龐德

于禁降旗出漢湄始驚龐德是男兒阿瞞自許能知
士藻鑑元來重可嗤

關羽取襄陽于禁降而龐德死
節曹操嘗曰吾知于禁三十年
何意臨危反不如龐德邪蓋知人難事也
操命世英雄而藻鑑如此它人尚何言乎

呂蒙

高渚文集
鞅掌軍門夜讀書舊游刮目立談餘世間多少吾伊
客皓首茫然作蠹魚

邢顥劉楨

家丞秋實終堪用庶子春華未足臧忘實采華緣底
事令人千載笑陳王

高渚文集卷之三十三

高渚文集卷之三十四

七言絕句二

懷古二十四首

汴州懷古四首

艮岳

長平弔古

車廐山懷古二首

辛丑春三月余重過朱僊鎮謁岳鄂王祠有
感往事走筆得絕句十二首旅次草率罔
計工拙聊寓哀弔之私云爾

陽臺觀二首

醒酒臺

淬劍池

姊歸山

游覽三十八首

帝京篇

西山歸途雜詠十首

游共城二絕句次韻 下天壇趨共城始登嘯臺

游濟源池書天慶宮壁三首

百門山水清曠去山陽之竹林僅咫尺耳七

賢胡棄此而樂彼也漫賦是篇以表厥勝

春日游大道宮 十首 于少保祠三首

客有自湖南來者劇談衡山之勝欣焉有往

遊之志漫賦三首以寄興云

榆次北寺題壁

沙溪寺二首

目錄畢

嵩渚文集卷之三十四

大梁李濂川父

七言絕句二

懷古二十四首

汴州懷古四首

黃河迴繞宋神州聒耳濤聲日夜流堤柳似知朝代
改半含煙雨半含愁

二

宋室南遷王氣收千秋遺恨大河流可憐五國城頭
月一片清光照汴州

三
保甲青苗淚滿衣
金陵相業竟全非
傷心不見蓬萊殿
寂寞春風燕子飛

四

寒煙漠漠宜春苑
孤月朧朧萬歲峯
回首三龍沙塞遠
故宮無復六更鐘

良岳

萬歲山成四海枯
坐令平地涌蓬壺
可憐北狩鑾輿發
回首煙塵滿汴都

長平弔古

頭顱山下合秦軍
豎子坑降獨不聞
落日沙原重回首
長平雲接杜郵雲

秦昭王五十年冬十一月賜白起劔殺于杜郵

車廐山懷古二首

勾踐當年霸越時
停車秣馬此山陲
經過莫論興亡事
野色濤聲盡可悲

二

蠡也如何泛五湖
越王兵甲已吞吳
秋風車廐山前路
誰憶行成種大夫

辛丑春三月余重過朱僊鎮謁岳鄂王祠有感往事走筆得絕句十二首旅次草率罔

計工拙聊寓哀弔之私云爾

日邊飛詔追驍將漢上閒田待徙民一曲鏡歌兩行
淚汴京回首陷胡塵

二

偏安江左優游日恢復中原戰伐年相國有心謀偃
月將軍無命畫凌煙

三

黃金曾鑄越王臣此地如何鐵鑄秦瓦礫亂地誰不
怒辦香俱是拜王人

四

壤分淮北秦謀決議棄山陽俊憾深底事紫巖無一
語雲卿應起灌園心

五

寢閣丁寧付託初精忠旗字帝親書如何忽下班師
詔駐馬沙原一帳予

六

飛龍巨舸浮江去虢虎元戎破虜來痛哭班師曾此
地廟宮寥落野棠開

七

十二金牌走傳車將軍返旆重欵欵我來雨落祠前

樹疑是遺民涕淚餘

八

書生叩馬留殘虜大將還朝罷遠圖
痛飲黃龍元汝志竟沉白璧果誰辜

九

一從結髮遠從軍不負周同肯負君
鄉使廟謨堅雪耻二龍生返汴川雲

十

軍前偽詔千年恨地下真王一字封
二月草齊春賽動娛神撞碎殿前鐘

十一

背嵬遊奕盡南迴虜騎鳴張宋運頹
聞道諸酋持酒賀洪公松漠蠟書來

十二

驂驪鐵騎勤王至迨還金牌召將還
太史爲渠書相業姦臣一傳播人間

陽臺觀二首

平生最慕煙蘿子寄跡陽臺四十年
悵望紫霞人不見宅前惟有洗參泉

二

司馬先生此住山故留丹竈在人間白雲深鎖陽臺
觀時見遙空一鶴還

醒酒臺

短鍾隨身憐汝達高臺醒酒至今傳伯倫自是閉關
者醉看飛泉真灑然

淬劍池

廣陵誰續鳴琴譜甯邑今傳淬劍池何事蘇門聞語
後一年三秀羨靈芝

姊歸山

屈原既放忽暫歸有賢姊曰女媧亦歸喻

令自寬山近原宅故名

屈原宅畔姊歸山盡日雲峯聳翠髮楚夢歌殘魂不
返巴江東去水潺湲

遊覽三十八首

帝京篇

錦繡山河抱紫宸衆星朝斗萬邦臣海波不動來重
譯盡道中朝有聖人

西山歸途雜詠十首

盧師山上古龍潭大青小青秋霧含坐玩陰雲生洞
口細看微雨過湖南

大青小青
龍名

居庸險坵斗牛間北虜千秋隔漢關
聞道貳師新奏捷戰雲猶繞萬重山

三

列皇陵寢碧山園玉殿黃昏鳥雀飛極目
下泰園秋草色潸然雙淚欲沾衣

四

陰雲嫋嫋黑龍灣瑶草丹崖不可攀
越客謾誇天姥勝漁陽還有大房山

五

西湖風景勝瀟湘十里荷花滿路香
同上蘭舟蕩雙槳中流驚起兩鴛鴦

六

望湖亭上一登臨四顧雲山秋色深
無恠忘歸縱盃酌百年逸興擬投簪

七

燕姬少小愛西湖畫橋如雲出上都
日日嬉遊歸去晚使君莫認是羅敷

八

章宗避暑玉泉山宮女隨鑾到此間
昔日翠華歌舞

地于今猶見五雲還

九

西山佳氣 帝城邊 紺宇琳宮 裊翠煙 挈酒登遊 揮
綵筆野情都入白雲篇

十

立馬渾河秋日斜 澹煙衰草少人家 霜高水落魚龍
去惟有悲風起白沙

遊共城二絕句次韻

太行千里坼天關 浩蕩風煙指顧間 匹馬漫遊三月
暮一尊獨對百門山

二

共城雲氣接壺關 石髓靈砂在此間 峒堯一徑惟駝
嶺險絕三峯是韭山

下天壇趨共城始登嘯臺

天壇玉屋看山迴 返駕共城上嘯臺 痛飲狂歌人不
識百年懷抱爲誰開

遊濟源池書天慶宮壁三首

太行晴色碧參差 三月覃懷景愈奇 滿路遊人花爛
熳 春風吹上濟源池

二

濟池三月百花饒水殿憑欄看湧潮何處女郎雙鳳
髻踏歌行過翠雲橋

三

飛舸黃河古渡頭離家三日到懷州閒登濟廟靈源
閣遙見天壇紫氣樓

百門山水清曠去山陽之竹林僅咫尺耳七

賢胡棄此而樂彼也漫賦是篇以表厥勝

涌金噴玉兩亭連畫裏青山鏡裏天當日七賢曾到
否竹林爭似百門泉

春日遊大道宮十首

塵海茫茫兩鬢霜暫依丹竈惜流光誰堪世上風波
惡獨愛壺中日月長

二

路入蓬萊紫翠多松間雙鶴舞婆娑逢某莫看僊人
著玉質當年已爛柯

三

玄都樓觀碧霞明與客登臨坐晚晴綠幘僊童歌勸
酒白頭道士臥吹笙

四

青鳥翩翩去不迴白雲寂寂鎖僊臺閒來讀罷瑤池

記始信昆明有劫灰

五

紫虛臺殿絳雲樓玉笈丹書萬古留桂父昨招黃石
飲茅君時伴赤松遊

六

青牛一去入流沙紫氣函關海路賒道德五千猶贅
語忘言何地不宜家

七

載酒尋春度石梁陶然酣臥白雲房情知鶴夢非塵
夢直把僊鄉作醉鄉

八

羽客不食煙火食夜禮瑤壇觀宸極天風吹散步虛
聲萬里雲霞分五色

九

采藥名山志未酬偶來松院愜春遊金丹口訣真難
遇幾向風塵嘆白頭

十

出世何須躡絲虹扶桑莫問海天東人間要識真僊
境汴上來看大道宮

于少保祠三首

嵩山文集
拾遺
九
檜栢陰陰少保祠當年綏撫至今思遊人要識精忠
蹟請看祠前諭祭碑

諭祭文有云在先帝已知其枉而朕心實憐其忠云云

二
使君嘉績遍三河汴土遺黎墮淚多無限頌勛懷德
意春風吹入降神歌

三
中州填撫幾經春兩袖清風謁紫宸賸有汴人懷舊
德滿庭簫鼓晝迎神

客有自湖南來者劇談衡山之勝欣焉有往
遊之志漫賦三首以寄興云

聞道衡山有洞天三湘浩渺隔風煙何緣得附雲車
去閒與羣僊汲澗泉

二
祝融峯下古龍潭紫府僊人坐石龕丹竈鍊餘塵不
到玉簫吹罷酒初酣

三
自恨勞勞世路塵暗添白髮換青春偶聞衡岳天南
勝想像僊蹤一愴神

榆次北寺題壁

虎頭山下楓林晚燕尾溪邊野寺鐘底事逢僧耽話

又萬峯雲霧翠重重

沙溪寺二首

沙溪寺倚大湖山湖上雲霞盡日閒恠底松林雙鶴
唳月明滿地一僧還

二

霜天驅馬度沙溪絕壁無人虎豹啼居士庵前春草
長將軍廟口夕陽西

嵩渚文集卷之三十四

嵩渚文集卷之三十五

七言絕句三

行役六十四首

自京師如沔陽途中雜志羈懷兼詠古蹟十二首

渡江

宜城歌

襄河權歌十首

沙湖歌四首

茅埠歌四首

乾灘曲四首

明州歌十首

秋山早發二首

台州歌

春日奉化道中漫興二首

碗子城

雪暮書太安驛壁二首

長平驛

寧武關四首

鴈門關四首

屯留道中

目錄畢

嵩渚文集卷之三十五

大梁李濂川父

七言絕句三

行役六十四首

自京師如沔陽途中雜志羈懷兼詠古蹟十

二首

曉度盧溝酒半醺遙遙旌指楚天雲峴山擬作羊侯
賦湘水何須弔屈文

二

回首雲霞白玉京居庸關接鳳凰城 郊壇故出南

天上朝殿遙連北斗平

三

四更月落開縣關征客驅車霧露間倦臥不知山路
黑夢竟猶在紫宸班

四

燕昭好士築高臺當日黃金照碧苔易水秋風轉蕭
瑟登臨懷古不勝哀

五

林裏鞦韆拂樹低乳鶯恰恰趁人啼沔州刺史傷春
客立馬無言思欲迷

六

春山春寺午鳴鐘李白尋僧竹下逢載酒同登山上
塔袈裟偏映翠芙蓉

七

長安南去近清明柳色鶯聲送客程雨打石橋明似
鏡春風歇馬趙州城

八

銅雀臺邊逢早春西陵西去草如茵蛾眉雪齒今安
在碧水黃雲愁殺人

九

淇門春勝大堤春
衛女春遊響畫輪
驚心九十韶光去
連袂行歌衛水濱

十

鄘城遙望百門山
絕壁懸崖未易攀
千古孫登留隱蹟
嘯聲如在白雲間

十一

昆陽城闕楚山園
下有禪宮倚翠微
裊裊藤蘿盤佛拱
冥冥雲霧濕僧衣

十二

黃河九曲拍天流
日月如漚晚對浮
偶泛桃花看躍

鯉欲乘蓮葉問牽牛

渡江

飛檣搖雲雲滿洲
曉風斜月漢江流
香爐山畔休誇勝
黃鶴樓前好駐舟

宜城歌

襄河宛轉抱城迴
楚客揚帆花下來
宋玉墓前堪作賦
杜康臺上且銜盃

襄河權歌十首

襄河兩岸石楠花
絳萼青梢照客槎
春風吹檣卽休駐
野豔令人忘却家

二
百丈牽舟過淺難鳴鑼齊力奮霜湍夜寒莫宿清水
港月明直到范家灘

三
宜城桑落碧醪香即過宜城莫繫航最怕春風蕩心
處當壚調瑟楚名倡

四
儂家阿姊笑儂孤無那即船楚又吳安能化爲船後
舵隨即南北別愁無

五
襄川斜遠石城流郢上嶙峋白雪樓即船若過聊停
櫂爲問當年盧莫愁

六
竹緼聯筏下三巴即到三巴定念家庭前桃樹即親
種即去誰看二月花

七
襄河七十二重灘淺洲高捩舵難昨夜雨添三尺
水順風飛舸過江干

八
石灘沙岸古襄河即在襄河歲月多今早即書荆北

至昨宵妾夢沔陽過

九

河夜揚舲春月明
襄兒齊唱擢歌聲
斗轉參橫猶進槳
隔河燈火是樊城

十

雙雙鷓鴣泛晴川
兩兩鴛鴦近白蓮
如何郎去儂無偶
惱殺春風夜不眠

沙湖歌四首

襟雲帶夢古沙湖
海客紛紛聚一區
船裏錦鞵聯翡翠
枕頭金鎖繫珊瑚

二

漁豎當年起在茲
築壇開府樹黃旗
天戈直擣鯨鯢窟
沔水今爲魚鱉池

三

沙湖問俗暫停艫
只見平湖不見沙
誰道沙湖風俗好
如花少女賣魚蝦

四

湖上人家風色清
蒲衣芟後可憐生
采蓮慣識溪邊鷺
曬網頻驚樹上鶯

茅埠歌四首

天上三江接六溪碧紋不動月輪低水僊吸露蘋花
畔鮫女尋珠竹樹西

二

刺史南巡茅埠頭黃鬚津吏下迎舟鳴金搥鼓緣何
事如此荒村可耐愁

三

江上逢秋秋可憐西風暮起浪連天楓葉如吟采蓮
曲蘋花偏隱捕魚船

四

白螺湖邊蘆荻秋黃蓬山下酒如油若無月色終辭

酌爲有秋光始縱遊

乾灘曲四首

竟陵南下是乾灘渺渺長川幾日乾水驛孤樓紅樹
晚古潭三汊白雲寒

二

乾灘東岸蘆葉翻乾灘西岸燈火繁艤舟夜傍西岸
宿樓上吹簫驚旅鬼

三

古市人煙近笑城長江水流日夜聲吳商越估停舟
滿處處酒樓秋月明

四
細雨垂楊湖上村
鷓鴣鷓鴣滿柴門
花湍曲曲舟難
進荻岸冥冥日易昏

明州歌十首

丹山赤水四明州
海作隍池雲作樓
日月雙湖還蟄
蜃星辰分野自牽牛

二

春城萬戶甕醪香
聞道明州是醉鄉
莫恠兒童笑山
簡明州風物勝襄陽

三

一為俗吏甬江濱
每愧風塵簿領身
驟騎巖前聊問
俗鷓鴣山下忽經春

四

潮去潮來東海波
趁潮越艇戴星過
徹夜櫂歌聲不
斷鴉啼日出渡曹娥

五

招寶山前海拍天
琉球日本各風煙
銅標鐵壁將軍
廟蠻篚番刀進貢船

六

湯和提劍定中原
詔許移師入慶元
已分滄海為

天塹更剷金峩作王門

七

鯀市蚶田海上州滔滔潮水抱城流春晴載酒天封塔望見僊人十二樓

八

賀老承恩賜鑑湖四明山水即蓬壺自從乞戴黃冠去汎汎聊同海上鳧

九

國初倭寇犯天兵勅斬鯨鯢瀚海清甲士尚留昌國島烽墩直接大嵩城

十

鮎嶺蛟池空復春越王宮殿已飛塵躡船莫唱明州曲一闕明州愁殺人

秋山早發二首

明河墮地寒無光楓林曙色浮蒼蒼僕夫相視巾帽白空山虎兕號天霜

二

寺林吹火翻棲鳥欲落不落星模糊前驅慎勿據鞍睡石苔滑馬傷而軀

台州歌

中山日出海天幽
片片明霞絢石樓
欲訪僊靈真窟
宅不知何地勝台州

春日奉化道中漫興二首

三面青山遶奉州
東南海氣撲城樓
褰帷一笑綠何
事春嶠逢迎得勝遊

二

大麥青青吐穗齊
春風綠樹子規啼
無端野興難羈
束欲訪名山入剡谿

碗子城

碗子城頭山日曛
迢迢晉嶺接秦雲
當時百戰千盟

地但見清秋白鴈羣

雪暮書太安驛壁二首

嚴飈撲面雪堆鞍
縱着狐裘可柰寒
立馬不堪吟思
苦太安東去是長安

二

黃坂逶迤高復低
飽諳途味紫騮蹄
寒山雪亂孤城
暮誰爲招蒐晉水西

長平驛

驛乃賈魯故宅

四面青山作院墻
居人猶說賈平章
多情惟有春風
燕兩兩來巢舊畫堂

寧武關四首

邊城無日不風沙
白草黃雲萬里賒
夜夜城頭聽戍
篋吹殘隴水又梅花

二

龍飛四海爲家日
虎旅三關禦虜年
諸將晨興頻覽
鏡阿誰相貌畫凌煙

三

雲中烽火接關長
寧武偏頭士氣揚
銅弩大黃誰最
猛衆中先認左賢王

四

關城百二漢山河
近塞風煙也自多
壯士能爲麾劔
舞小兒解唱打圍歌

鴈門關四首

九月燒荒戰士閒
行邊司馬覲龍顏
黃帕夜封螭
紐印朱旗朝度鴈門關

二

月黑邊庭沙自驚
轅門刀斗徹天明
元戎起立占風
角雪夜分兵籠虜營

三

落日邊城獵騎還
胡笳羌笛朔雲間
莫道兩狼輕易

得健兒追射白龍山

四

滹沱河遠鴈門州墩堡連雲塞草秋近喜玉關烽燧
息嫖姚一箭落旄頭

屯留道中

五嶺山下亂鳴鳩嫋嫋陰雲起石頭底事暮輶衝雨
去分司今夜宿屯留

嵩渚文集卷之三十五

嵩渚文集卷之三十六

七言絕句四

寄贈一十六首

登第日戲寄洛中故人發京別友

出京十里酬同年王汝弼追餞

確山寺中招同年張子嘉飲酒

寄秦思魯鄂中贈葉松谷四首

留別羅台州僑寄王倅玘

雪東秦長史二首寄林以乘都憲莆中

貽郭山人酬江翁送鯉桂林太守
無之父

送別二十三首

雲中歌送蔡成之都憲之鎮十首

葭州歌四首送郭守廷珪之任

送劉太僕元隆之滁州四首

送王參政之閩便道過蘇二首

送李海鹽二絕句 送第洛之猗氏學諭

時序一十三首

春日禁中即事

元夕宮詞四首 正德乙亥年作

五月二日沔州池閣對雨二首

壽陽小至和壁間石刻韓昌黎韻二首

己亥元日即事

端陽日郊遊作

壬寅元夕雨雪浹旬衢潯阻遊二首

集讌四首

史宅觀梅適謳人劉二自潛江至走筆邀巨川子

百泉書院看花樓赴郭尹宴醉中作

賞牡丹作

春宴

詠物七首

秋鴈三首

子規

屠蘇酒

棟花

紙鳶

目錄畢

嵩渚文集卷之三十六

大梁李濂川父

七言絕句四

寄贈一十六首

登第日戲寄洛中故人

長安放榜曉雲晴 賜宴南宮荷寵榮
醉寫泥金新捷報 一緘飛寄洛陽城

發京別友

策馬燕郊別故人 自憐為客又風塵
知非僊仗騏驎骨 敢望天閑首著春

出京十里酬同年王汝弼追餞

花滿離筵酒滿罇空林駐馬泣無言王生莫唱陽關
曲去國陽關更斷魂

確山寺中招同年張子嘉飲酒

偶來山寺見山僧聞道張郎下五陵一別久拚江上
鴈相逢且醉佛前燈

寄秦思魯鄂中

武昌城上黃鶴樓大別山前鸚鵡洲題詩君有凌雲
思載酒誰陪問月遊

贈葉松谷四首

葉師自罷廣寒遊每憶瑤扉桂殿秋歸種長松滿空
谷翠濤聲似紫雲謳

二

萬重松蓋翠冥冥谷口雲霞接洞庭昨訪將軍聞出
飲牀頭惟有虎鈐經

三

誰言李廣竟難封柳桂班師馬似龍血劍已渝江上
水凋弓斜掛舍前松

四

松風滿樹奏笙簫彷彿僊人王子喬白髮嫖姚春醉

醒起看雲鶴手相招

留別羅台州僑

萬重松嶺萬重雲錦席淹留落日曛憑君莫唱台州
曲路出台州轉憶君

寄王倅玘

九華山下讀書樓秋浦寒雲濕不流最愛風流王別
駕白頭詩思滿滄洲

雪東秦長史鎰二首

同雲匝地雪光遙梁孝臺前即灞橋好在苦吟秦相
國竹爐烘酒興偏饒

二

雪滿瑤宮醴宴陳白頭趨召錦袍新知君授簡先成
賦不羨梁園末至人

寄林以乘都憲莆中

鬪鬪荔子搖秋浦娟娟芙蓉出晚波遙憶美人當此
景木蘭溪上叩舷歌

貽郭山人

縱目無言善壤稀青山何處不堪依莊生天地爲棺
槨螻蟻烏鳶語是非

酬江翁送鯉

桂林太守
鑣之父

仲兒佩虎嶺南居汝在江鄉獨釣魚雙鯉送來親自
剖腹中恐有桂林書

送別二十三首

雲中歌送蔡成之都憲之鎮十首

御史中丞漢上卿關河霜雪鷺車明風聲遽徙單于
幕旌節遙臨蘇武城

二

萬卷睢陽老鄴侯蚤年名姓御屏頭纔放玉驄馳沁
水又懸金印下雲州

三

帝遣文星出漢關邊塵不動鼓鼙閒它年墮淚碑三
尺應把焦山作峴山

四

黃河北來東勝州桑乾水寒雲朔秋壯士齊歌搜套
曲元戎時宴望京樓

五

沙場日日風蕭瑟磧鴈胡鷗暮爭疾受降城頭霜月
高夜半征人吹觱篥

六

中丞元是玉堂賓秦晉風塵二十春每愧雕蟲流篆

刻竟將顏面畫麒麟

七

國朝名將稱王璽漢閣元功屬衛青白馬駢弓齊入
畫燕然碣石竝鐫銘

八

紫水河邊胡馬嘶白登山下塞雲低
鐃鼓近迎新節制呼韓夜遁紇干西

九

居延城在黑山下落日黃雲蔽原野西陲自得李將
軍無復匈奴來牧馬

十

追憶雲中舊撫臣年王韓李績嶙峋至今邊塞談遺
事俱是當時贊理人

年公富王公宇韓公雍李公敏先後巡撫雲中績業表著

葭州歌四首送郭守廷珪之任

黃河西去抱葭州沮水延川會一流虎符舊剖金明
郡竹馬今迎郭細侯

二

蘆關千仞入胡雲關外胡笳日暮聞保障有人來作
牧干城不數李將軍

李廣為上郡太守於朔方有功

三

汴州別駕銀州去滿路棠陰映玉珂信是陽春元有
脚使輶隨處頌聲多

四

中朝刺史古諸侯皂蓋熊轡上郡遊廊時祠前看塞
鴈雕陰山下試耕牛

送劉太僕元隆之滁州四首

娟娟卿月照滁州淮水豐山繞畫樓猿鳥不驚司僕
馭雲霞曾伴醉翁遊

二

明時僕寺拜君遲暫輟前驅白玉羈栢子潭邊聊濯

足桑根山下謾搯頤

三

琅琊山前明月溪水迴林窈兩峯齊名卿綵筆哦詩
罷馭裏駒駉入品題

四

南譙山水足登臨華國文章報國心四牡舊傳孫楚
詠三驅新續子雲箴

送王參政之閩便道過蘇二首

雪霽梁園動別卮孝王臺上望旌麾春風吹送吳門
舫一路青山入武夷

二
河梁載酒送君行
旅鴈寒雲萬里情
後夜相思何處
是霜天月滿闔閭城

送李海鹽二絕句

春花紅照武原城
僊署開簾逸思生
深榭亭前看海
氣還珠橋上聽琴聲

二

攜李東南萬仞山
煙霞作宰訟庭閒
飄飄畫鷁江東
去杳杳雙鳥海上還

送弟洛之猗氏學諭

冥冥鴈影悵離羣
關樹秋聲那忍聞
行盡洛陽官舍
近老夫心度萬重雲

時序一十三首

春日禁中即事

蒼龍殿前春日曛
白虎觀外花氤氳
回風忽送鈞天
樂萬歲君王在五雲

元夕宮詞四首

正德乙亥年作

九夷賓服奉車書
海宇承平漢太初
正值好春星月
朗萬燈叢裏度龍輿

二

萬歲樓頭簫鼓喧燈山火樹照端門月鏡飛來金殿
白春宮寧覺是黃昏

三

豹房鐘鼓震丹霄萬顆燈毬錦帶搖誰寫太平春氣
象新腔樂府進元宵

四

獵回南海復元宵擊鼓催燈散晚朝試問旌旗輝雪
藪何如花月豔春橋

五月二日沔州池閣對雨二首

孤城積雨落榴花江水新生滾白沙斜日散衙公事

了獨眠池閣聽鳴蛙

二

三日雲雷鬱不晴水昏沙沒雨崢嶸欲催返照薰江
閣擬截浮陰散楚城

壽陽小至和壁間石刻韓昌黎韻二首

去年長至客臨安霧雨錢唐作淺寒今日壽陽持節
處雪花風滾自成團

二

洛少當年獻治安長沙北望五雲寒誰憐此日邊城
客苦憶宮梅白玉團

巳亥元日即事

晨興袍笏拜焚香一歲平安仗彼蒼石鼎屠蘇春色動嚮東先抱季孫嘗

端陽日郊遊作

午日都人盡出遊繁臺酒肆沸歌謳可憐碧草行車地也當去聲江南競渡舟

壬寅元夕雨雪浹旬衢寧阻遊二首

燈火煌煌舊帝京連朝雨雪滿春城惱殺王孫遊不得朱門鼓吹達天明

二

豈是同雲妬好春六街車馬不飛塵天意分明示勤恤故將雨雪阻遊人

集讌四首

史宅觀梅適謳人劉二自潛江至走筆邀巨川子

劉二清歌喜乍聞將軍梅樹欲繽紛雪城晚霽江樓白惆悵花尊不對君

百泉書院看花樓赴郭尹宴醉中作

賢尹張筵泉上洲春風一醉看花樓勸酒不須金縷曲暮煙漁笛起中流

賞牡丹作

牡丹仙豔彩雲流春甕纔開綠蟻浮坐對此花兼此
酒分明騎鶴上揚州

春宴

酒滿春缸花滿天海棠樓閣月娟娟于今始覺樊籠
外日日銜盃舞袖前

詠物七首

秋鴈三首

楚天霜冷鴈飛忙羈客驚心意故鄉水闊雲閒羣不
斷漢陽南去是衡陽

二

木落天空秋氣清江潭涵影自飛鳴故鄉幾月無來
使好寄平安到洛城

三

郎官湖上逢征鴈荻葦蕭森掠岸過羨爾隨陽彭蠡
去渺然秋思滿江波

子規

子規日夜爲誰啼回首川原蜀道迷金殿玉樓春已
盡月明渡莫劔雲西

屠蘇酒

古鼎屠蘇沸曉風先斟孺子未衰翁山林傳得神僊

術一歲平安百口同

棟花

棟花滿樹如丁香風雨一宵飛白霜二十四番花事了明年準擬再尋芳

紙鳶

一線牽風羽翼遙脩程九萬快扶搖若非少藉吹噓力安得凌秋上紫霄

高渚文集卷之三十六

高渚文集卷之三十七

七言絕句五

圖畫三十四首

題王母圖

題東方朔偷桃圖二首

題彭祖看井圖二首

題劉阮入天台圖

題鍾馗圖

題張騫圖

題王都閭杏花春雨圖

題爛柯圖二首

題漁舟圖

題燕子樓圖

題嚴陵圖

題鴈二首
白鷹

題雙兔四首
題徐南澗尋春圖

題寒山拾得圖二首
題掃雪煎茶圖二首

題周彥通所藏雜畫四首

題劉呂二僊圖二首
題王衍觀錢圖二首

悲悼七首

翟中丞廷獻扶太恭人柩東還昌邑取道大

梁遮奠之餘贈詩三首時丁酉孟夏也

悼亡二首

薛君采求瑩心亭詩余久未之作今君采已

沒乃補作二絕句馳寄墓所竊附掛劔之

義云爾

目錄畢

高渚文集卷之三十七

大梁李濂川父

七言絕句五

圖畫三十四首

題王母圖

漢武宮中百尺臺五雲青鳥暮徘徊當時不是偷桃客誰識瑤池阿母來

題東方朔偷桃圖二首

碧海蟠桃大若瓜三千年過始開花歲星偷啖緣何事笑逐安期白鹿車

萬歲冰桃弱水東
飈車西去路何窮
却思曼倩三偷日
王母耽眠少女宮

題彭祖看井圖二首

嗜欲亡身豈丈夫
金丸彈雀笑君愚
仁賢警世心無限
畫出錢鏐看井圖

樂天知命汝何憂
已度韶華八百秋
不見雲中一黃鵠
人間矰繳謾相求

題爛柯圖二首

三百枯棊思渺茫
白雲洞口桃花香
當時不是樵柯爛
誰信僊家歲月長

柯爛松陰一局殘
歸來空自憶僊壇
區區賭墅真何事
笑殺江東老謝安

題劉阮入天台圖

澗路茫茫誤此生
桃花流水恨難平
相思一夕頭顱白
何處雲霞響佩瓊

題漁舟圖

船頭漁父吹洞簫
船尾漁郎弄畫桡
權入蒹葭人不

見水雲漠漠鴈迢迢

題鍾馗圖

講武驪山駕入秦藍袍忽見辟邪臣如何興慶深宮
夜不夢商巖版築人

題燕子樓圖

鏡裏羞看翠鳳髮薰砧春盡未曾還它時要識香閨
淚燕子樓前竹盡斑

題張騫圖

博望乘槎事有無武皇奇志未全孤自從君袖支機
石傳得人間織女圖

題嚴陵圖

潦倒羊裘一釣翁足加帝腹豈愚蒙客星不入靈臺
奏誰識君臣道義風

題王都閫杏花春雨圖

杏花紅遍鳳凰山有客開堂翠壁間雨過闌干春澗
滿胭脂雲裏聽潺湲

題鴈二首

雲夢霜高秋氣蒼瀟湘洞庭蘆荻黃嗷嗷何處南征
鴈獨客高樓夜斷腸

春北秋南湖上過
啣蘆遵渚慎虞羅
擬裁太守孤鴻賦
先誦明堂朱鴈歌

白鴈

開元鴈貢自東夷
雪羽霜毛爪距奇
許國文章稱大手
從禽一贊至今悲

題雙兔四首

皓魄淪精降爾神
人間三穴解藏身
草香鬚吻梁園路
應憶當年賦雪人

梁孝王有兔園

二

中山野客允爲姿
得道忘蹄祗自知
躍地雄雌渾莫

辨令人長詠木蘭詞

三

陰伏林垆意若何
桂輪秋滿浥金波
可憐上蔡西游客
枉憶東門碧草多

四

爰爰雙兔眼迷離
逮日追風不可羈
一自宋人耕獲後
至今傳笑守株癡

題徐南澗尋春圖

野老尋春湘水濱
緩筇覓句獨長顰
春光多在風煙外
莫道逢花始是春

題寒山拾得圖二首

天台山前霞錦張國清寺裏壺天長不是豐干太饒
舌間丘焉識兩生狂

二

一帚塵埃須自掃百篇詩句豈聲聞無人解得玄中
趣笑指青山吐白雲

題掃雪煎茶圖二首

春寒小閣臥琵琶掃雪風流浪自誇畢竟茶鐺輸酒
盞鹿豪無笑党侯家

二

茗竈濤翻翠袖前一時清况畫圖傳可憐閒却葫蘆
手猶騁風騷向雪天

題周彥通所藏雜畫四首

匡廬雙劍削芙蓉一道寒泉落礫松閒看無限清秋
思更聽開先寺裏鐘

二

何處簫聲徹紫霞丹崖赤嶺有僊家行人駐馬聽商
調落盡巖梅一樹花

三

碧竹涼雲夏日長枕琴籍草夢羲皇當時姓字無人

識陽翟高人杜五郎

四

蒼松蟠曲蛟龍眠上枝下枝生雲煙道人熟視有何
意攀鱗欲上牽牛邊

題劉呂二僊圖二首

劉操蟬蛻燕山里呂叟龍游岳鄂州携手白雲三萬
里踏歌同訪崑崙丘

二

十洲三島大羅僊法劍靈蟾各有緣爲問二君神舉
後幾看滄浪變桑田

題王衍觀錢圖二首

銅臭從人笑濁夫輸錢百萬大司徒清狂獨有陶彭
澤盡送青蚨入酒壚

二

魯褒何必論錢神鑄盡銅山不救貧富貴果知皆有
命孔方兄是絕交人

悲悼七首

翟中丞廷獻扶太恭人柩東還昌邑取道大
梁遮奠之餘贈詩三首時丁酉孟夏也

板輿南去縞旌還淚濕萊衣兩袖斑迎拜素車無別

語節哀強食度關山

二

楚水梁山灑淚過故人
遮奠慟如何春來擬寄萱花
頌豈意今成薤露歌

三

畫荻留蠶教子成
楚天梅雨濕銘旌
它時執紼齊東路
千里還來范巨卿

悼亡二首

抱兒終夕泣空牀
簷雨蕭蕭漏轉長
我欲見君惟有
夢人間難得返魂香

二

正月廿八初度日
今年此夕淚沾裳
田廬始就身先
逝一奠椒漿一斷腸

薛君采求瑩心亭詩
余久未之作
今君采已沒
乃補作二絕句
馳寄墓所
竊附掛劍之義云爾

城外茅亭亭下池
倚欄終日照鬚眉
知君心已無塵翳
何事臨池始瑩之

二

亳州書到索亭詩
汴水秋風去鴈遲
今日裁詩逢驛

使白頭凝望淚雙垂

高渚文集卷之三十七

高渚文集卷之三十八

六言四句

感述一十四首

漫興四首

春遊三首

閨思二首

懷古二首

銅雀臺

酬荅十首

荅薛君采十首

六言八句

感述四首

春日田園雜興四首

己酉年作

遊覽三首

金陵

登汴城

野寺對雪

行役二首

宿壽陽

塞上冬懷

三五七言

古意二首

四六八言

入越紀行二首

目錄畢

嵩渚文集卷之三十八

大梁李瀛川父

六言四句

感述一十四首

漫興四首

當日乘驄遠行青袍真誤儒生歸來百門山下自掬
澄泉濯纓

二

有酒朝朝可醉無官日日得閒醉後放歌白髮閒中
飽看青山

三
幽人家住空谷蚤起自課童僕門外薄田爾耕架上
殘書我讀

四
載酒閒登翠微轉憐春色芳菲且聽禽聲佐酒莫待
楊花點衣

城南草堂題壁三首

十里城南草堂蕭然雪塢雲莊四面林花作障兩行
渠柳爲墻

二

朝來自飯黃犢隴上惟多白雲八口此心爲累一鋤
終歲長勤

三

百畝一經舊業踈花細柳閒門兒大但教耕讀客來
且弄琴尊

春遊三首

萬紫千紅好春鳴鳩乳燕芳辰挈酒朝朝出郭太平
之世閒人

二

太乙宮前柳色天清寺口鶯啼暖風吹面酒醒斜日

穿花路迷

三

已見梨花飄雪復看桃
並些蒸霞九十春光欲盡腸斷
山中歲華

送春二首

花下一盃送春白頭老子傷神願囑東皇緩轡莫教
紅紫成塵

二

滿地榆錢觸恨漫天柳絮銷魂春色盡隨流水閒情
都付芳尊

閨思二首

春風忽動羅帷雙雙紫燕差池日斷碧雲千里空聞
鶯噪庭枝

二

寶鴨香銷畫樓月明初上簾鉤今夕不知何夕仰看
織女牽牛

懷古二首

銅雀臺

漳浦濤聲聒耳西陵樹色連雲歌吹美人何在惟見
秋空鴈羣

艮岳

花石經營幾春壽山艮岳嶙峋倏忽北風吹雪疾藜
滿地傷神

酬荅十首

荅薛君采十首

伎訓不聞不睹軻書勿助勿忘萬卷祗愁化蠹多岐
無恠亡羊

二

學士文章喪性經僧譯解迷真老子強從關令桓公
寧悟輪人

三

空洞元同太古支離荐至于今寐者從渠寤語癡兒
枉自嘔心

四

有字總為糟粕無言安用敷揚點也舞雩歸詠淵乎
心齋坐忘

五

竒耦庖羲八卦天人箕子九疇識得箇中消息許君
親到尼丘

六

先聖作經為牖腐儒滯句皆盲可笑楊雄思苦不如
趙州眼明

七

晝誦大戴小戴宵披齊論魯論墻面背騰皓首悲哉
空老王孫

八

離岸誰還守筏得魚自爾忘筌既識本心真性何須
斷簡殘編

九

蚤歲卷婁舉業中年雕刻詞章久汨牀頭夜氣俄驚

鏡裏秋霜

卷婁見莊子
雕刻見法言

十

莫羨房生經庫堪嗟柳子書囚至寶何勞遠取明珠

不必閣投

房暉遠號五經庫柳
子厚詩半生坐書囚

六言八句

感述四首

春日田園雜興四首

己酉年作

一自還山采芝白頭心事誰知綵筆朱弦竝廢釣竿
農耒相隨數會高陽酒客頻參廬岳禪師世事忘言
而已何須歸去來辭

二
顏齒六旬有二歸田二十四年白髮青衫蒼舊茂林
脩竹風煙把酒山堂倚月杖藜石壁觀泉歲月盡隨
流水行藏一任蒼天

三

矮屋燕來燕去小園花發花飛鏡裏朱顏漸改山中
紫蕨初肥石几時揮草筆土墻夕掛荷衣客至莫停
酒盞醉來同臥漁磯

四

白髮春添幾許碧雲暮合萬重柴門延客看奕竹寺

尋僧倚筇天漢橋邊片月禹王臺上踈鐘行處漫留
短詠百年聊記吾蹤

遊覽三首

金陵

落日金陵古城城中歌吹分明白鷺洲邊草色鳳凰
臺上秋聲六代宮移苑改雙江木落潮平一自
高皇建鼎五雲長護瑤京

登汴城

落日高城嘯歌春衫獨抱雲和故人千里書斷芳草
一川恨多宋帝遺宮廢苑阮公淥水洪波旅思鄉愁

無奈更聞鳴鴈如何

野寺對雪

颯沓亂飄塔院依微故點如袈裟上客鈎簾得句高僧
掃逕烹茶盞酒誰歌郢曲山窓自數寒鴉何事孤城
畫角吹殘三弄梅花

行役二首

宿壽陽

歲宴經行榆次寒宵獨宿壽陽朔吹冥冥達旦雪花
故故穿牀旅况半爐榼拙鄉心幾樹松篁祇恐清霜
侵鏡聊歌黃鵠侑觴

塞上冬懷

杳杳黃雲古城翩翩驄馬孤征沙塞風鷗不下關河
雪鴈爭鳴何處寒營鼓角誰家暖閣簫笙回首那堪
旅思夕陽無限邊情

三五七言

古意二首

春院閉楊花飛鳥鳴驚妾夢鴈過寄征衣玉塞玉人
猶戍遠瓊樓瓊樹謾芳菲

二

鵲楂植人到家衣沾薊門雪面帶并州沙鄉園若問

邊城苦五月邊城未見花

四六八言

入越紀行二首

江流洶洶伊予南征芳草晴波鄂渚踈花細雨淦城
旅情遙遙不可以賦下錢塘兮而入四明

二

鷄鳴天霜三星在航江練吾懷謝眺鬢絲誰惜馮唐
楚越緬雲川之萬里安能騎白鵠而飛翔

嵩渚文集卷之三十八

